

一聲聲太清樂太清樂 右十一
 夜壇移燭似流星太清樂駕鸞乘龍羽蓋輕
 太清樂勢借雲端成絳闕太清樂十洲花好
 洞中明太清樂太清樂 右十二
 步虛文好思無窮太清樂姑射道遙夜境中
 太清樂龍闕降祥天呼出太清樂韶音遠聽
 貫心聰太清樂太清樂 右十三
 天仗門開闕帝閣太清樂登壇玉錄受經文
 太清樂鈴鈸洞府吞祥氣太清樂王母追遊
 駕五雲太清樂太清樂 右十四
 玉皇下視九天清太清樂仰望層霄一柱擎
 太清樂勝境幽奇千萬億太清樂延年字字
 受丹經太清樂太清樂 右十五
 上方章奏起清編太清樂道士科儀事業專
 太清樂玉燭調來雲霞變太清樂丹丘遊歷
 莫知年太清樂太清樂 右十六
 奇絕文通妙入神太清樂疑情瑞雪片紛紛
 太清樂玉華殿裏排章奏太清樂月滿楹庭
 擁白雲太清樂太清樂 右十七
 寶閣香飄遠殿樞太清樂帝城綠葉士民居

太清樂天真可受遙空裏太清樂子育黎元
 靈樂晉太清樂太清樂 右十八
 大象星羅混太清太清樂五千言道世長生
 太清樂神仙來往雲霞麗太清樂白鳳經天
 自有程太清樂太清樂 右十九
 一聲鶴唳九霄中太清樂王母行天闕苑風
 太清樂幾許仙人來侍從太清樂齋心清潔
 盡微躬太清樂太清樂 右二十
 金錄齋三洞讚詠儀卷上

金錄齋三洞讚詠儀卷中 鳥三
 宋真宗皇帝御製
 步虛詞一十首
 靈文表帝期 奉符成鉅典 晉宇報純禧
 克布蒸民祐 應諧百福宜 右一
 錫符瞻絳闕 揆日會彤庭 迎導森容衛
 黃威聲典刑 氤氳流協氣 絡繹奏祥經
 苾苾修嘉薦 祗祗達香冥 右二
 將議元封禮 期觀上帝心 清都雲香者
 丹禁漏沈沈 先覺迴鸞馭 遵期錫玉音
 喬封成紀號 虔輩倍欽欽 右三
 上封初歲事 占夢復通真 玉檢功成近
 龜書錫祐臻 靈丘揚典禮 恭館答威神
 介祉從穹昊 流輝及下民 右四
 岱嶽環函至 神州藻仗迎 流金表氣秋
 觸石慶雲生 喜見傾都意 歡聞戴路聲
 華簪皆仰望 仙羽表殊清 右五
 神皋求爽境 珍館法園清 鴻慶流無極

玉功見有成 發祥開茂緒 介社佑羣生
億兆觀宏壯 虔恭意倍傾 右六

夕夢通中禁 仙游降上蒼 鴻源昭渙發
丕膺協無疆 報況虔心積 儲休瑞命昌
慶雲知不竭 億載保咸康 右七

福地求清界 良金範粹儀 中霄聞聖訓
邃古啓昌期 累洽彰軌祐 精衷報錫禧
乾乾瞻肖像 簡簡茂丕基 右八

築宮成壯麗 郢匠極精微 層閣形疑湧
虛簷勢若飛 寶龜生綠甃 畫棟見靈輝
欽奉求多福 常期惠九圍 右九

窈窕門扇啓 崢嶸殿宇開 雲低龍影度
風靜鶴音來 金簡藏三洞 輶車溱九垓
何煩言闕死 即此是龍臺 右十

玉清樂一十首

玉清樂玉清聖境真諸天玉清樂五門高故
在雲中玉清樂知與三天路閣通玉清樂絳
節參差疑瑞日玉清樂同音綵綉引和風玉
清樂玉清樂 右一
祕殿崑崙象玉虛玉清樂馳遊臨墜福祥敷

玉清樂百神設衛尊靈命玉清樂億載延禧
佑帝圖玉清樂玉清樂 右二

千八高薄紫煙玉清樂望中隱隱見靈仙
玉清樂上藏玉字昭丕貺玉清樂下佑瓊圖
保億年玉清樂玉清樂 右三

宏構巍巍如嶽峙玉清樂層軒奔奔狀聲飛
玉清樂上清降治流鴻福玉清樂下土祈穰
仰烈輝玉清樂玉清樂 右四

畫棟華棟臨福地玉清樂琅函金簡秘仙經
玉清樂民風未使臻清靜玉清樂帝緒常期
奉慶靈玉清樂玉清樂 右五

虛廓顯敞列丹青玉清樂萬葉森然固道形
玉清樂已按玉書圖隱景玉清樂君舉寶應
載祥經玉清樂玉清樂 右六

三尺齋壇碧玉成玉清樂五更醮席對繁星
玉清樂靈儀極率遵三洞玉清樂景福咸臻
保萬齡玉清樂玉清樂 右七

萬壽無疆期景貺玉清樂百靈咸扶表虔心
玉清樂蕭蕭午夜思昭格玉清樂欽駕層霄
想降臨玉清樂玉清樂 右八

臺號通天閣漢氏玉清樂閣名降聖想唐時
玉清樂豈將往古矜宏壯玉清樂但冀蒸民
受福禧玉清樂玉清樂 右九

測影神臯求吉地玉清樂僞工剛日建宏規
玉清樂蒸黎受福應無異玉清樂宮昊延祥
悉在茲玉清樂玉清樂 右十

太清樂一十首
太清樂太清樂太清何處以逍遙太清樂寶
籙凝祥下玉虛太清樂靈心敷祐屬瑤圖太
清樂聲聞恭館揚公祐太清樂永承秘琅函在

上都太清樂太清樂 右一
金繩揆日將成禮太清樂玉宇遵期復降靈
太清樂緬法園方營壯麗太清樂仰延庭欵
答高明太清樂太清樂 右二

仙官協夢吉靈期太清樂真馭排雲下禁闈
太清樂鴻緒發源開錫羨太清樂珠宮報既
務黃威太清樂太清樂 右三

貢金在治鎔天表太清樂離衛導濬展國經
太清樂邃古發祥成茂緒太清樂億年恭已
奉鴻靈太清樂太清樂 右四

珍符錫祐彰垂裕太清樂秘字成功答降祥
太清樂勵翼曾忘夙夜太清樂誠明常冀
達宮蒼太清樂太清樂 右五

蕊芬清夜列皇闈太清樂星斗煒燁瑞氣滋
太清樂玉酒更無餘瀝在太清樂殿車默有
降臨期太清樂太清樂 右六

顯啟層極奉帝期太清樂森羅珍果備鴻儀
太清樂芳馨徧享彰來格太清樂感應冥通
見錫禧太清樂太清樂 右七

天柱喬峯藏瑞石太清樂道林開土著微辭
太清樂真宗潛發形先覺太清樂丕曆延洪
示後期太清樂太清樂 右八

昊穹降鑿顯鴻成太清樂方冊披文敘烈輝
太清樂瑞日德星常並照太清樂商雲協氣
每交飛太清樂太清樂 右九

方地效祥羣寶日太清樂靈芝耀秀瑞尤多
太清樂已占共顯符多稼太清樂更有交柯
協至和太清樂太清樂 右十

白鶴讚一十首

舉糖瑞羽出青田望以霜華編繞天人世不

知空仰嘆靜思應是洞中仙 右一

仙姿相續呈祥至瑞典徐觀自古同方信揚
音清蹕內選同矯翼燦煙中 右二

霜翎高逸祥風勢朱頂低浮瑞日輝為顯靈
心來表瑞前迎秘錄每摩飛 右三

八景戒期登秘宇九清敷佑協祥經曾雲頤
頤瞻仙羽暴日徘徊在福庭 右四

五金鎔範粹儀成千里森羅潔衛行應有靈
仙未迷職化為珍羽蔽空迎 右五

福地將興慶奮功人心祗慄夙宵同忽觀倅
羽丹青色飛上瑤壇煙霧中 右六

良治將期觀粹容懸壇先事禱神功宜期嘉
薦當中夜忽有仙音在半空 右七

船艦相接濟洪川萬目叢觀意惕然因見靈
潮來巨壑盈知降祉自高天 右八

寶艦乘流近帝都應龍東瑞見全軀不隨翁
鬱飛雲去常與輝煌潔衛俱 右九

鴻淵極目接蒼煙巨艦揚帆獨晏然不徇陽
侯收駭浪更觀等覺見金田 右十

散花詞一十首

玉宇千門啓 金爐百和煎 芬芳盈法座
祇標持奉仙 右一

天上春常在 花開不計時 瑤壇露瑞露
芳氣更蕃滋 右二

仙葩色最紅 望與火雲同 為問生何處
瀛洲清景中 右三

仙花不記名 百步有芬馨 華席開清醮
殿車降紫庭 右四

洞中春不歇 常有百花香 攀折來瑤席
芬芳徧道場 右五

禁苑花齊發 人間第一芳 雕盤和湛露
蘭殿奉虛皇 右六

非剪亦非栽 先春曉夕開 為迎真馭至
常有好風催 右七

散花花不盡 徧在玉清中 還似卿雲起
紛紛連碧空 右八

空裏花無際 元生玉帝宮 只來臨靖館
不去逐和風 右九

此花顏色異 片片綺霞飛 散布瑤壇上
徧露羽容衣 右十

又散花詞七言一十首

散花何處最花多 天上高天有大羅
花在此中生本異 况將瑞露慶雲和

右一

崑丘絕頂有龜臺 臺上奇花四序開

不是羣仙朝玉帝 何由散到世間來

右二

天上天花旦夕開 不同人世待春來

天花每有天人折 將獻層城日幾回

右三

瑤臺半夜露華滋 月帳朝真在此時

時有仙花空裏降 吹來玉宇奉金安

右四

五色奇葩降洞天 仰觀空裏勢翩翩

莫言仙境常時有 動是人寰億萬年

右五

仙花折得自仙宮 散在珍臺曉景中

玉闌有春春不老 瓊園受福福无穷

右六

羽客騎鸞在半天 下瞻珍館意乾乾

蓬萊折得花无数 散在珠庭黼座前

右七

上林花卉先春發 幽谷鶯聲尚未知

不遣常人攀折得 盡將福地奉真期

右八

洞中三十六天春 仙境由來異世人

採得名花何處去 將來宮館奉高真

右九

仙官真侶往還頻 去看蓬山閨苑春

每採芳華朝上帝 願均福佑及生民

右十

金錄齋三洞讚詠儀卷中

金錄齋三洞讚詠儀卷中

宋徽宗皇帝御製

鳥四

玉清樂一十首

玉清樂一十首

地居天上接空居 玉清樂萬象森羅通八區

玉清樂功用不知誰 主宰玉清樂絳霞丹霧

闕清都玉清樂三清樂 右一

碧落空歌黍米珠 玉清樂十方勃勃入無餘

玉清樂聞經慶喜難言說 玉清樂九色龍騰

八景與玉清樂玉清樂 右二

羽童呼吸辟非煙 玉清樂煙氣徘徊綠室前

玉清樂造化不從身 外得玉清樂自根自本

即三天玉清樂玉清樂 右三

帝景相將會玉洲 玉清樂明真層觀紫雲浮

玉清樂掣開三八黃金錄 玉清樂無極虛皇

在上頭玉清樂玉清樂 右四

白玉飛符下紫庭 玉清樂華樞三舉召羣靈

玉清樂攀條咀嚙空青藥 玉清樂五體金光

射日星玉清樂玉清樂 右五

遠昌臺下海揚波 玉清樂得道高真始得過